

福建府縣志輯

中國地方志集成

康熙平和縣志
乾隆南靖縣志
民國長泰縣新志

中國地方志集成

福建府縣志輯③②

康熙平和縣志

乾隆南靖縣志

民國長泰縣新志

上海書店 ● 巴蜀書社 ● 江蘇古籍出版社


圖書在版編目(CIP)數據

中國地方志集成. 福建府縣志輯. 32, 康熙平和縣志、
乾隆南靖縣志、民國長泰縣新志 / 上海書店出版社編.
上海: 上海書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-平和縣③地方志-福建-南靖縣④地方志-福建-長
泰縣 IV. K29

中國版本圖書館 CIP 數據核字 (2000) 第 27739 號

永春山脈水道全圖



序

夫人事之廢興關乎氣數時之未至歷久謀之難成時之既至倉猝圖之易就平和開治自有明正德始也邑之有志嘉靖乙巳謝君前溪創之崇禎丁丑朱君祇園繼之迨王君天木起而重輯之始有完書矣時蓋在康熙戊戌年耳當其時規模草創兵燹迭經城池之毀而復建人民之散而復聚以及學校之盛衰職官之沿革政治之得失風俗之變遷率皆缺略不書和之士夫有如郊子之能言其祖王弘日對千客而不犯一人之諱者乎和之耆老有如應劭風俗

平和縣志

卷首

一

之傳荆楚歲時之記東京夢華之錄者則均寥寥不可得然猶數十年而即修或近百年而復修從未有曠廢百餘年之久至今文獻無徵斷簡凋零有如今日之甚者夫鄴侯入秦先收圖籍文翁化蜀遽敦典型豈蒞斯土者不知邑乘爲政之急務耶抑均視官如傳舍故謀之不力耶壬午冬杪余假柯來茲首以倡捐膏火爲已任邑故瘠土也僻在萬山中民知向義戶鮮素封適修道署派捐逮縣事未及竣而法夷則寇馬江及臺灣海防捐輸復踵行之不肖委員假公以飽其私挾上官之聲威若故與余爲難者斯時

余方慮膏火之不克竟其事也卽欲兼圖乎志書而力有不暇給今幸得諸君子不遐棄我樂臂助而皆得歲其成嗚呼夫豈始願及此耶昔黃君小山修之稿垂成而解任王君吉人亦議修而灰代二公之不克成其功者時限之也顧念迂拙如余而是役隱若待卒其業者殆有冥冥前定於其間乎是編鋟板已久自髮逆擾後散失鮮有存者廣文曾君淵卿訪求於陳氏得之敝篋中蠹簡全書薪餘未燼洵吉光之片羽也竊恐滄桑變易時事難知再遲之又久殘編終逸將孱亂益無可考者亟將舊本付諸梨棗嗣有

平和縣志

卷首

二

採訪仍延請廣文游君孟侯纂修而附綴之且樂觀

續志之成焉

尚

光緒己丑孟春吉日知平和縣事岳陽楊卓廉謨



堂脩平和縣誌序

和為漆郡西南治先未設邑自明正德間象湖箭管等處群寇蹂躪繼時之文成公督三省兵殲夷之遂允衆議請於朝制南靖漳浦之二里以建縣治迄今蓋二百餘年矣顧其地連粵境且多深山邃谷險阻扼塞之區宰斯土者撫字之方與防禦之術二

平和縣志

卷之首

序

一

者兼行斯足以嘉惠民生而祛干戢暴不然鮮有不掣肘而覆墜者矣然區向先在知一邑之大要若何而利者可與若何而弊者可革若何而風俗之漓者可變而為儒若何而疆域之險且僻者可安靖而無患若此徵諸文獻因地利宜以何措施若合無戾於休國經野之表則志乘一書願可

器而不備乎乃和誌自有暇生別駕攝和
脩輯後歷有年亟煩多鈔缺魯未有人繼
其事不稱職方之掌未脩而且民風土俗山川
險要以及錢穀兵刑人物政教茫無考據則
維欲噢咻我衆庶保固我疆陲其道無由也
軒六至令尹以瑯琊世胄來宰和以爲知一
邑事而不知一邑之大要不可以爲治欲知一邑

平和縣志

卷之首

序

二

之大要而不考之於邑乘亦不可以爲治於是
毅然起而重脩之蒐羅參訂增缺補鐫一邑
之大要盡在目前焉治之大端亦瞭如指掌告
成之日適當晉職之時將執駕北行矣而猶不
忘所事向序於余曰是舉也豈獨繼生別駕
之芳徽傳萬餘年之久歟抑以昭示來茲凡
宰斯邑者其開帙而知一邑之大要庶不乖

於田地制宜之治乎別備誌之大有造於
和也豈涉鮮哉

福建巡撫汀漳使者李鉉撰



平和縣志

卷之首

序

三

序

藏

今天下車書一統風俗大同
國典通志彪炳輝煌班班可考
矣使天末荒陬窮鄉下邑紀
載未脩亦非所以昭極盛也
余奉

命守漳甫入境問各屬志乘慮

平和縣志

卷之首序

一

恐闕失慨然有釐正之志是
時適奉

憲有纂修之檄遂遵而轉行
之于是溪邑江君首告成事
余既喜而序之和令王君亦
相繼告竣復來請序於余余
惟平和為漳巖邑介閩廣之

平和縣志

卷之首序

二

交山重簣密崎嶇深阻宰其
地者方惴惴焉慮盤錯之不
暇而王君獨恢恢游政事
之餘廼能訂疑補缺博訪廣
諮綜其山川風物手自刪定
可不謂留心民物通達治體
者歟志甫成而王君以陞任
去賢宰之治未竟厥用而百
里間之形勢習尚建置沿革
瞭如指掌余將藉手以仰副
各上憲振興文教鼓吹休明
之盛而繼王君之後者亦得
所考據以善其經理節宣之
用則斯志之成也詎惟一時

之勝事已哉因為序以弁其

首

皆

康熙己亥仲夏中澣漳州郡守

三韓李秉衡撰



平和縣志

卷之首序

三

序

縣志

邑乘之設在于嚴要塞以固疆域明獎勵以興教化詳因革以陳利弊以有關於國計民生者爲首務而寄折衝于樽俎寓轉移于風尚斯爲當世得失之林而山川寺宇古蹟藝文猶其末焉者也

和之設縣創自文成而邑之有志謝前溪開之于始嘉靖乙巳也朱祗園繼之于後崇禎丁丑也然皆存其梗概而未備且自崇禎丁丑迄于康熙戊戌中間八十餘年之事全無紀載使再遲之數十年後文獻凋謝既無典籍之足徵又無老成之可考傳聞互異將信將疑有欲起而脩之者其將何所憑以折衷哉况戊子己丑以後海氛四起漳汀多故鄭氏父子之猖獗吳淑兄弟之叛逆伏莽弄兵陵谷滄桑城郭

平和縣志

卷之首序

一

之築而毀毀而復築人民之聚而散散而復聚者不知幾經變遷矣嗚呼邑乘之脩豈非今日之急務也歟余以山左書生承乏茲土慨因循之已久恐墜續之將湮詳請

列憲糾集紳士與共事諸公旁搜遠覽採勝索幽參互考訂備極咨詢增補闕畧數倍于前凡田賦學校兵防祀典以及疆域人物之類參古平和縣志

卷之首序

二

酌今蓋亦不遺餘力于其間矣始于戊戌仲冬事未竟而詮部有量移之命于己亥季春離任雖部限嚴迫而余竊幸卸簿書之煩得以專力于邑乘以畢吾志又拾月而告竣爲卷一十有二哀然成帙矣夫自前明丁丑迄於今日官凡幾易事凡幾更而邑乘之脩若于吾乎有待而時至事起


似亦有數存焉而非余之敢于任勞也余莅和年餘囊無長物束裝北上惟有邑乘數帙歸奉父母旁及親知此外明月隨舟清風拂水不獨余之可以自間亦可以質之和民而無慚者也康熙五十八年歲次己亥四月之吉知平和縣事瑯琊王相撰



平和縣志

卷之首序

三



爾平和縣誌序

邑之有志作於前述于後寢曠而舉幾絕而續率皆百年後興而其興也蓋必有大賢者為之宰以其恢々游刃之才肩起裏振廢之任而後曠者舉絕者續平和之志曠絕者將百年矣

卿瑯王公宰邑之數月慨然念文獻無徵謀諸紳士申請於當道列憲而重脩之

平和縣志

卷之首序

一

值余方以艱家居不知其鄙也命使者具書幣介茂才時君宗亨曾君惠中而屬余載筆焉予惟文章之道史才尤難志衆亦史之遺也顧予何人可預其選矧予生稍晚不及見百年以來故時而和又僻遠予雖生同郡未嘗履其境覽其山川風物與其士大夫交游聆其軼論有所觀記其何以襄盛舉哉乃公轉以其足未嘗相過

口未嘗相授者謂可以奮笔直書無所回

互左右於其間為雅稱是職也而強起之

予勿獲辭也爰請諸公招予友孝廉藍

君三祝偕往即事焉自戊戌之冬迄今已

亥四月而書竣蓋自縣國丁丑以前悉準

諸舊志而稍訂其繁濫以浚則若規制風

土戶賦兵防皆按諸府志及他吏牘而增

脩之至其人物仕宦隱彥閥貞則皆俾陳

平和縣志

卷之首序

二

牒于公精覈其名實而始登於志蓋

公之於是志至詳且慎務使百季文獻必

市信今而垂後誠所謂大賢者也愧予不

能抒寫潘文藻揚樂旨第不敢信綴傳舛

創矜臆獲兢自然指事屬詞于大賢之用

心庶幾無負爾若其拘牽膏陋櫟櫟少文

則所不敢肆者已

賜進士出身吏部觀政鄰治年家弟昌天錦

頓首拜書



平和縣志

卷之首序

三

序

和之建邑自有明正德間邑之有誌始於嘉靖乙巳終於崇禎丁丑也屈指百有餘年山川風物草昧荒畧雖前溪載筆於前祇圖踵事於後而和誌終未得爲完書也且由勝國末季迄我與朝鼎革其間時事之治亂政教之得失風土習俗之變易與夫節義忠貞幽芳潛德亦畧可紀矣又况

平和縣志

卷之首序

一

國家承平日久太平之澤垂六七十年淪洽涵濡文物禮樂日新月異山陬海澨窮鄉下邑盛美軼事史不勝書也而遲之又久時遠事湮文獻無徵傳聞互異後之人於若信若疑之間依稀彷彿欲續墜緒莫由也已百年之間第見山高水深寧非和邑憾事哉是和誌之修較重於前

莫爲之後雖威弗傳也予自新授和邑於都門
訪漳郡耆宿問和遺事無能言者間得一二民
風土宜所聞異辭亦畧而弗詳是歲七月之秋
十有一日乃得抵和任事履任伊始方如面牆
而王君軒六適自省旋和授以新成和誌一帙
披覽之餘疆里土物建置沿革區分縷晰歷
指掌間因歎王君蒞和未久旋晉職以去紛紜
平和縣志

卷之首

序

二

盤錯之際獨能綽有餘地遵憲檄以成不朽
之盛事而才短識暗如予者于甫任和邑茫無
緒理時即得是編有所考據以遵途不謬此予
之私幸而抑又爲和邑幸並爲凡蒞和者幸也
則王君此舉詎惟兩朝文獻勒成完書其所補
益於地方民物者豈淺耶因喜而爲之序
康熙五十八年己亥歲七月既望知平和縣事

年家眷寅弟荆南談經正頓首拜撰



平和縣志

卷之首

序

三

原序

明大理寺正卿王命璠

蓋聞古之君子膺民社之寄提軍國之衡其所總綏採輯者慮曠久而易湮而實於體國經野視躬範世之本務未嘗不深思而熟計也和故古綴安地巔崖峻峭盤谷漫衍爲漳右臂王文成倡道東南輯寧疆土流之治焉迄今人文駁發與諸邑齊驅所從來矣舊誌畧而未備而風氣不無遞新政攸間有互異鏡古者胡能無全豹之憾乎文未喪天道且行地於是江藩朱公以天潢嫡派參畫吾漳承攝茲篆歷層巒平和縣志

卷首 原序

一

之霧列撫俊彩之星馳教誨生聚不憚拮据遁於退食之餘翻閱厥帙而見夫大賢創建九越尋常討論脩飾應在後人用因舊史之遺文加以刪削之大義上自正嘉下逮啓崇收其放失悉爲詮次間於傳組之內寓乎折衝諸如嚴城池設圖隘練鄉兵編家甲爲戰禦計弊無不剔又如脩文昌葺西橋新房科刻縣誌爲整頓計利無不與甚而綠林竊發督兵倅敵暨從來未有之功斯不亦踴然底定與文成蕩平之勲千載一轍哉志成凡若干卷而索額於不佞承命甫慙方在鞅掌披誦孔彰尤不禁樂善之懷也因而

思曰古列國各有史官以掌道方志漢史遷採上古方書而傳志作焉凡以著山川之險易驗俗尚之淳漓考人物之盛衰訂治道之得失而爲當世法戒之林也邇侯方入秦而遂收圖籍文翁一化蜀而遂敦典刑在昔名世蓋臣莫不以載輯典籍爲本務公今以維城之親攝如舍之篆一種和平用以視吾躬而範斯世其聿脩乃志也於以軼方書而追史冊真不啻蕭之於秦而文之於蜀也炳炳乎煩煩乎體國許謨經野遠畧也寧總總然以採輯曠久爲誇詡耶故管攷之地不特以誌重抑亦以人重阿陽單父皆以

平和縣志 卷首 原序

二

人而傳者和有志而公以和傳和亦以公傳矣不佞幸讀公志而漫額一言以志公之不朽亦以垂和之不朽矣敬援筆而爲之弁云

明都御史王志道

余生長吾郡足跡未嘗至平和臨海王侯爲令數爲余言平和大峰山之勝也丙子之冬侯以遷秩過余山中曰行矣大峰之下殆將有伏莽焉令在僅能使不發令去視事者其有憂乎侯行果蠢蠢起視縣事者大以爲畏途於是豫章宗彥判郡朱公往蓋漳連歲憂海而魯寇之匪茹者首被於平和鄙之不逞稍

和應之公至亟治應者先戡良而徐分暴賴往未踰
月上俘馘於幕府者數至必以覈道路以通余所聞
於前令之憂爲之頓釋比公得代手一編見示則平
和縣志也方馳撫馭卽就編摩經武緯文同時並出
雖古之茂宰所未有也平和之爲縣自王文成始置
至高安謝令始爲之志是時縣猶未文物也百餘年
來民自靖而安而富而教事則自質而文治則自草
創而經緯而補救日新矣富教則宜志文則足志補
救日新則不可以不志毋如吏其土者才有所不暇
而視有所不急何惟公才敏而瞻識顯而周盡心民
平和縣志

卷首 原序

三

事然必準古酌今以備擬議而變化之故視紀載爲
經世務之首事而詰奸之下併興載筆之役數月署
令舉百年之墜緒不日其成夫非獨文武才也全文
武才而以整以暇始足以見公耳漳之爲郡自垂拱
丙戌四百九十餘年而志未立淳熙守綱始創之嘉
定守汝謹始脩之淳祐再脩而又始終於教授崇珙
之手是三公者皆宋宗彥也本朝舊制宗室不授吏
事神祖始開之漳之得徵惟翰惟城之寵始自公而
一試縣遂成平和縣志漳之志事豈於天潢之籍有
繫屬焉者乎但宋以太守政成爲之今以數月署令

且在梓鼓千楸之隙舉之神武欽文之裔固非天水
涓流所可望其後塵矣昔范宣子誇其帝胄以當不
朽而穆叔以三立誦之如公者以神明之胃備三立
真不朽矣而後乃今大峰之墟匪寧日靖茲山也且
藉今志以名於世矣

明宮詹黃道周

今幅員之廣卽窮豎亥之力亦不能悉其川原之隩
隈名物之繁賾自龜書出而升沈紀傳志之設久而
徵微而傳積邑以知郡積郡以知省積省以知天下
雖億千萬禩猶如一日平和之有縣也自王陽明督

平和縣志 卷首 原序

四

撫始也縣之有志也自謝前溪令君始也其盤山互
嶺浚谷紆原凹凸巖從洞沓派瀝上控汀漳下搯交
廣先是重關設險以備門庭之不虞第不如置邑之
固也經百餘年而生齒日繁壘辟日溥風氣日趨能
不高岸爲谷乎能令清煦過爲冷風乎能使梟獍革
面而懷音乎能勢鳴按堵乎此皆令長事也祇園朱
先生以藩齋膺題輿之命職漳郡司農徵其遺賦寄
扞振焉下車而賢聲載道適平和乏令當道以先生
吏績最優屈旌輿而下攝先生一日居於其署便一
日業於其官孰催科而撫字孰防禦而克詒時其徵

斂作其團伍陳其紀綱寇發則窮搗其穴取瘡痍而
噢咻之以時進其儒英課其藝業諄諄然忘其過守
之尊若慈母之撫循其子也一日閱縣志歎曰是百
年來之懿蹟幾墜矣後此者當何如矣志也者以徵
事尚其實而膠柱可虞以立辭取其簡而居要斯難
先生以淹纂之才直任筆削暢探荒極稽驗遷埤明
利害之嚮背離翕之差謝朝華於已披啓夕秀於未
振數月間垂不朽大業是固胸有成錄藉此專城而
一奏其善刀之素然者也信足以下定民籍上輝帝
采矣徒曰譜牒之奧區乎哉

平和縣志

卷首 原序

五

明諫議何楷

平和居漳郡西南陲在職方爲新設之邑當正德間
蘆溪箭管諸巢寇出沒叵測汀漳實靡寧宇時陽明
王先生督撫南贛發二省兵定平其境請于朝設立
縣治割南靖漳浦二里以麗之於是乎虎遁跡而梟
革音蒞茲邑者惴惴然勞來安集之不暇毋亦拮据
將和以固吾圉焉暇謀及文獻事閱再週是爲嘉靖
乙巳江西謝前溪公來宰是邑學有要領宗陽明議
論謂前績不等則不繼後緒不繼則無徵實創脩縣
志迄于今且百年矣其間氣運之升降戶口之繁凋

人才之盛衰風俗之醇漓阨塞之遷徙政教之興墜
沿革之互變是未可以因循而理也祇因朱先生派
出天潢以幹練之材司郡儲時通縣隱覈兼職督奸
不以批抵爲事奸發輒禽凡兩造之質于庭者毋不
輸情快心以手加額而去其慧根剝割若劉穆之之
五事具舉當事者悉先生治狀適平和乏帥命先生
守兼以大府之尊行孔邇之化數月間閭閻有聲猶
諸中牟單父然夫宰邑者寡不薄視山縣之簡樸支
持歲月以祈無咎無譽誰能以父母之真心行之先
生之攝斯邑也至則練鄉兵嚴保甲脩險隘爲弭盜

平和縣志

卷首 原序

六

安民之策綢繆拮据殫極心力偶蘆溪流劫猖獗
結蟻聚先生督山崩土圍直搗其穴執訊獲匪一方
藉以救寧又以暇時脩其津梁庀其祠宇葺其廨舍
不忍以寄旅之跡視之蓋體皇上錫極之德意以沛
維城之微猷爲宰邑者之獻儀曰孰是叢咀之區居
汀漳要害而興革損益不以告後之君子况禮樂百
年而興茲政其時也因取前志而臚分析增所未
備廣其不及舉洪巨於包帶極纖微於營緯盡山川
之啓塞闡科條之參鈞同蔣宗之旨趣肖孟堅之鋪
叙自設縣以來宰不一人人不一政論述則榮於華

衮貶斥則凜於鉄鉞實文治旁觀之日曠絕之軀翰也昔常璩志華陽廣徵志吳地並以鴻筆垂爲信史是編信兼美於前而不徒爲一方一隅之書矣是爲序

明吏部盧化鰲

國家治化翔治迄于遐外吾漳在閩最南雅稱衣冠文物之鄉與望國齒諸邑基置草昧于唐自宋元以來漸次雲峙獨平和肇基於王文成幅員新啓連詔控饒號爲巖邑方文成視師至和頭也採輿人議疏請分畿蓋是處山川阻修非得賢令長拊循彈壓之

平和縣志

卷首

原序

七

則西鄙不淨赤白丸得闌出入狼卜豺祭無復已時故建治急焉今百二十年家絃戶誦蔚爲華眷簪裾繼踵半用經術致身其他才技亦足自展次者爲善於家力田孝悌出其賦役厘市偕作有事則荷戈帶甲以辟於四郊故禍變旋戢巖岫交枕遂得齒於他望縣而文獻殘缺非所以彰往而詔來也王制曰廣谷大川異制民生其間異俗剛柔輕重遲速異齊五味異和器械衣服異宜此數者亦何關於鴻鉅而任其無徵則地利不必習典廢不必詳灾祥不必警戶籍簿正不必正舟車津梁宮室不必具風俗習變徽

佩戴衽貞邪士女不必考官師胥吏勸垂不必興生殖器用桑泉百貨不必察如彼行邁錯趾全迷艱於問途得無爲五都之市所笑哉譬之治者辨土而墜礪器而施砥其正反攻其堅瑕苦窳之患不作而後乃稱良工今夫民牧亦一邑之治師也因時創立俾有藝極京庾得儲老幼得序治農於籍蒐於歲隙婦子蜡臘躋公獻壽不至災沴陰陽之變無復沈命坐累之憂則國家建設之意與巨賢躡導之功兩無負焉此誌之不可以已也先是嘉靖間明德謝公始倡輯之存其梗槩以待後之增修若百丈之泉必時時而續之縵斯得汲也近臨海王公有事屬綴會遷去不竟今宗侯朱公甫署篆遂博採精核爰成新誌百二十年之事瞭然指掌如明鏡長懸通髮畢照可細按而徐爲料理其於脩教舉政之旨不旣十全乎予惟視民於斯者莅相承也而山川之所動盪功烈之所肇造豈非在其人哉匪爲不經而侈厥度遊刃引割恢及編摩公之聲績爛然在雙鬢九嶺間矣若乃鳩巢獲醜之勞載在乘中不復述云

平和縣志

卷首

原序

八

明署邑令朱統鈺

邑之有志猶國之有史也一日不備則無以徵往而

詔來而況生齒之凋繁陵谷之遷變名物質文之升降十數年間時更而景輒異卽以茲邑觀之創闢方百有餘載昔也荒莽今爲樂郊昔也狂獫今爲謠俗鉅公名流挺生鵲起詎可令杞宋無徵文獻不足哉余不佞暫攝斯篆詢其逸事鮮有能知者及稽其紀載則已版圖字湮矣前令臨海王君徵脩舉而未竣竟以遷去因不揣案牘之餘商正先達特加輯訂擇博雅諸生佐成之務芟浮蔓并闕遺期於典核可傳後之君子得而變通潤澤之則一邑之志庶乎不刊矣

原跋

平和縣志

卷首

原序

九

明邑令楊清

不佞於丁丑季夏之十日來知平和適遇崔符鼎營之餘出沒靡常往來飄忽憲檄之督捕者日至如雨不得不惴惴焉日以編甲厲兵安良戢暴爲事陟則嶽降則原山泉之勝亦每每以馳驅困頓中失之又適況乎錢穀之幾何入戶口之幾何數險阻要害之幾何布列民風土俗之幾何敷陳高賢事業名世文章之又幾何傳法傳之盲兒問道蓋假借乎不知所之忽有携平和新誌來者披閱一過文不繁而義已

盡宵紫星炳餘緒絲分不覺撫誌而嫣然曰兩月來不知平和今知平和矣開我蒙而振我覺惟此誌矣問何以得是誌曰得之聖裔祇翁朱老大人以巡儲署和不數月而幡然新之者也然則不佞之稍有知於平和不在不佞任平和之日而轉在祇翁署平和之日平和無祇翁則平和無新誌平和無新誌則知平和者將何以知平和繇斯以觀知平和者世世將祇翁之造知於知平和者亦世世矣於是請爲之跋應之曰不佞無可爲誌贅將贅是以誌新是誌之祇翁云

平和縣志

卷首

原跋

十